

**KARATE SAVEZ BOSNE I HERCEGOVINE
КАРАТЕ САВЕЗ БОСНЕ И ХЕРЦЕГОВИНЕ
KARATE SAVEZ BOSNE I HERCEGOVINE**



**KRITERIJI
ZA IZBOR REPREZENTATIVACA-KI
U SENIORSKE REPREZENTACIJE
BOSNE I HERCEGOVINE ZA 2021.GODINU**

(Prijedlog)

Sarajevo, 29.03.2021. godine,

U skladu sa Članom 29. Statuta Karate saveza Bosne i Hercegovine, Upravni odbor Karate saveza BiH, na 13. Sjednici, održanoj dana 29.03.2021. godine, donio je:

KRITERIJE ZA IZBOR REPREZENTATIVACA-KI U SENIORSKE REPREZENTACIJE BOSNE I HERCEGOVINE ZA 2021.GODINU

Članak/Član 1.

Predmet ovih Kriterija jeste reguliranje pravila i postupka izbora članova muških i ženskih seniorskih reprezentacija Bosne i Hercegovine (u daljem tekstu: BiH).

Članak/Član 2.

Za svaku pojedinačnu kategoriju bira se prioritarno onaj natjecatelj/takmičar koji ima najbolji plasman na WKF Svjetskoj rang listi na dan dostavljanja popisa/spiska kancelariji/uredu Karate saveza BiH (u daljem tekstu KS BiH), a isti je rangiran među TOP 35 najboljih na WKF Svjetskoj rang listi u kategoriji za koju se bira natjecatelj/takmičar, a ukoliko u toj kategoriji nemamo natjecatelja/takmičara koji je osvojio medalju u prošloj ili istoj godini na Evropskom ili Svjetskom prvenstvu.

Članak/Član 3.

Za sve kategorije gdje nemamo natjecatelja/takmičara među TOP 35 na WKF Svjetskoj rang listi, birat će se onaj natjecatelj/takmičar koji skupi najveći broj bodova, a bodovi se osvajaju na sljedeći način:

- a) najbolje rangirani natjecatelj/takmičar na WKF Svjetskoj rang listi dobiva 2 boda ukoliko je rangiran između 36. i 60. mjesta na WKF Svjetskoj rang listi,
- b) najbolje rangirani natjecatelj/takmičar na WKF Svjetskoj rang listi dobiva 1 bod ukoliko je rangiran između 61. i 100. mjesta na WKF Svjetskoj rang listi,
- c) bodovi osvojeni na Državnom prvenstvu boduju se sustavom 3-2-1 za osvojeno prvo, drugo i treće mjesto,
- d) bodovi osvojeni na Izbornom takmičenju boduju se sustavom 3-2-1 za prvo, drugo i treće mjesto.

Zbroj/zbir bodova predviđenih pod točkama a), b), c) i d) predstavlja ukupan broj ostvarenih bodova.

Izorno takmičenje je otvorenog tipa i na njemu mogu nastupiti svi zainteresovani i prijavljeni natjecatelji/takmičari.

Članak/Član 4.

Svi pozvani reprezentativci dužni su odazivati se izborniku/selektoru na zajedničke pripreme, a u slučaju spriječenosti dolaska, izostanak mogu pravdati klubovi uz potrebnu dokumentaciju.

Članak/Član 5.

Svi kandidati za reprezentaciju dužni su nastupiti na Državnom prvenstvu.

Svaki klub može pravdati izostanak sa Državnog prvenstva za maksimalno jednog natjecatelja iz TOP 35 WKF Svjetske rang liste.

Članak/Član 6.

U slučaju da dva natjecatelja/takmičara imaju isti broj osvojenih bodova, a radi se o kategoriji u kojoj nemamo natjecatelja/takmičara u TOP 35 WKF Svjetske rang liste, tada izbornik/selektor može koristiti diskrecijsko/diskreciono pravo izbora onog natjecatelja/takmičara za kojeg misli da je bolji ili može tražiti dodatni meč između ta dva natjecatelja/takmičara.

Članak/Član 7.

Osvajač medalje na Evropskom ili Svjetskom prvenstvu u pojedinačnoj kategoriji, bez obzira na poziciju na WKF Svjetskoj rang listi, osigurava nastup u istoj i sljedećoj kalendarskoj godini za sva natjecanja/takmičenja.

Članak/Član 8.

Za ekipne nastupe izbornik/selektor bira one natjecatelje/takmičare za koje misli da mu trebaju u ekipi, prema njegovoj slobodnoj i stručnoj procjeni.

Članak/Član 9.

Ove Kriterije izbornici/selektori moraju poštovati, a od Upravnog odbora KS BiH mogu tražiti izmjene i dopune ovih Kriterija ukoliko Upravnom odboru dostave svoj usuglašeni prijedlog.

Članak/Član 10.

Izmjene i dopune ovih Kriterija vrše se na način i po postupku za njihovo donošenje.

Članak/Član 11.

Tumačenje ovih Kriterija vrši Upravni odbor Saveza.

Članak/Član 12.

Ova Odluka o Kriterijima stupa na snagu danom donošenja od strane Upravnog odbora KS BiH i važi do 31.12.2021.godine.

U Sarajevu, 29.03.2021.godine

PREDSJEDNIK KS BiH

Miroljub Kremenović